

中國方志叢書·華中地方·第五八三號


據

清·汪文炳等修纂
清光緒二十一年刊年

影印

浙江省

富陽縣志



成文出版社有限公司印行



10095864

中國方志叢書·華中地方·第五八三號

據

清·汪文炳等修纂
清光緒三十二年刊年

影印

浙江省

富陽縣志



成文出版社有限公司印行



10095863

中華民國七十二年三月臺一版

富陽縣志

共七冊

發行人：黃

成

助

出版者：

成文出版社有限公司

台北郵政信箱二二六〇五號

台北市杭州南路一段6巷9號3F

電話：三九一六四一六（五線）

印刷者：

上林彩色印刷有限公司

台北市大理街145號

新聞局出版登記證：局版台業字第243號

光緒二十八年歲次壬寅開雕

富陽縣志

板存富陽學尊經閣

富陽縣志序

自畿內達直省至於羈邑莫不有志所以
察風土攷沿革而紀其忠孝節義卓行懿
德使人有所感發興起則一統志蓋詳由
其俗皆可納民軌物而穆然於

聖天子同風之治其書本直省通志通志又本
羈邑志然則縣志所繫綦重矣哉富春古
名勝地繇漢而來孫鍾以孝毓帝王之姿

謝希深以文章黃子久以丹青後先傑出
顧使載筆闕如咸同兵燹後舊帙益復散
失或佚焉弗錄錄焉而亦弗詳文炳曰嗟
乎是文獻之憂也夫獻以輔世文以翼經
將以垂令茲土者之法守也邑之有志殆
猶家之有簿籍耳而蕩然靡所考鏡其誰
之責與於是昌言修輯延博雅之士相與
搜葺舊聞網羅前代勒成是編其事則增

於昔其條則遵乎式大約綱舉目張一以
傳信胥於此乎是賴然余竊有進焉夫雨
暘非書而水旱之備疎也秋一不登嗷嗷
待哺者幾何矣鄰壤相錯而干戚之聲遍
也人才蔚起科甲雲蒸碩士名卿項背相
望而絃誦之風猶遜醇古雀鼠之習未化
紛囂學道則愛人易使將徒託諸空言以
俟後之君子乎晦明風雨古猶今也山川

形勝古猶今也夫安得以時異勢殊而謂
吾遂不得行所志耶然則今之修志豈第
曰文章不朽盛業南狐不媿良史已哉凡
以勗都人士維邦憲述祖德法懿行服先
疇起頽俗勤職事駸駸然沐浴乎

聖天子同風之治則余之厚望也夫光緒三十
一年乙巳冬月香山汪文炳序

富陽縣志序

方志易爲而作也山川城郭有變遷政教風尚有
隆替生百年之後綜覈百年以前之事大者憲章
小者名物爲因爲革昭若列眉使行政者沿流溯
源如駕輕車而就熟路則方志之有裨乎治道不
亦重且大哉顧閱時久遠則蒐采難是非淆亂則
取去難具茲二難於是有欲葺而擱筆者有圖始
而鮮克終者余竊幸富陽志之告厥成也溯自己
亥之歲香山汪君來令是邑憫舊志失脩垂三百

年禮聘邑中博雅士攷文攷獻網羅散佚未竣役而景移去逮余來承斯乏已七閱寒暑而梨棗廼克蒞事今取而閱之綱舉目張體裁縝密修詞雅潔記事詳明美矣其尤善者於圖不載春江八景於表不列封蔭虛銜於人物不分科目於藝文不取風雲月露之詞全書五十餘萬言凡無與掌故及民生利病者概屏勿錄具有良史之識矣其表沿革也年經事緯意義閎深其表村落也條理井然簡而有要一覽而知區圖坐落道里遠近之數

可爲行政張弛之次第此陸清獻靈壽志章實齋
永清志之所未逮也圖表志首并以例言終繫以
論則規太史公瀟而小變之識精且博矣自康熙
迄今垂三百年所謂二難有甚於他郡邑志者余
雖無一辭之贊而觀成之口相與綜論古今參稽
化理且得增汪賢令之後而列名簡端或亦文字
之別有因緣也邑人士以序請會余將受代去抑
有不能已於言者方今

朝廷經文緯武勤求治理變科舉爲學堂易營防爲

警察大化蒸蒸日上而月異學部且頒鄉土志例
目以證邦人士之通塞而是書適爲先河之導不
歎鄉土志可賡續而成卽他日史館編纂亦惟以
羣邑爲數信則方志之重且大豈獨繫乎一邑而
已哉余故爲詮次數語歸之

光緒三十二年歲次丙午季春月知富陽縣事大
興董鳳來序

重修富陽縣志序

咸豐之季粵匪蹂躪江浙郡邑幾無完土焚殺奇慘亘古所無公私廬舍彌望荆棘瓦礫庠序無復絃歌田隴鞠爲草萊工無雕斲之方商無貿遷之道其禍較洪水猛獸殆尤過之

毅廟御宇承

顯廟遺規

兩宮訓政命將出師未三年而江浙之亂一律戡定越二年而

承澍

生束髮受書稍有知識每見鄉

里殘垣頽壁露兵燹痕聽故老之傳聞念承平之
有自欲求紀亂及定亂公私著作以相質正既不
可驟得帖括困人求所以應功令者尚日不暇給
迨貢成均簿書有暇研尋往事初見上元宗湘文
觀察所輯輿圖刻本山川形勢遠近沿革極爲詳
明格於體例餘均闕如聞各郡邑有纂修志書者
未及寓目也光緒辛丑年來知富陽地距會垣僅
百里粵匪之亂先會垣淪陷同治二年經巡撫左
文襄藩司蔣果敏克復計陷於賊者三年地旣近

省瀕臨大江水陸兵馬師船絡繹經過兵火之慘
甚於他處文襄平浙經營善後未幾卽移節閩疆
轉旆西征果敏繼其後善政敷施富陽以僻在下
邑霑被恩施略勝偏遠之區不逮省垣之周至遠
甚以致亂平四十餘年縣令二十餘任地方元氣
猶未盡復承澍猥以庸質承乏名區下車受任之
初卽抱事賢友仁之志催科聽訟外屬意學校次
第興舉因及志書香山汪半樵明府在任時先已
倡議設局勸紳富捐輸冀以集事承澍接任就其

定章量爲整飭先捐廉爲倡復偕都人士籌集捐款者三閱寒暑適徐淡仙明經膺測繪輿圖之任數赴四鄉游歷舟車之暇撰成富陽路程莊份歌若干首雖近游戲之作亦足爲問途之一助爰爲助資石印名曰春江輿地小志以樹縣志之先聲工竣分貽各捐戶皆爭先快覩繳款因之踴躍經費旣充時全志纂修已過其半乃商之蔣耐溪孝廉趙寶涵明經將已修者陸續授梓書將成適承湖受代去在事諸君索一言以爲序乃就管見所

及并是書之緣起以著於篇至全書體例之精結
構之妙胥由汪君半樵總其大成斷非風塵俗吏
所能掠美也光緒三十一年乙巳仲春前知富陽
縣事青浦陳承澍謹序